



O'ZBEKISTON RESPUBLIKASI VAZIRLAR MAHKAMASINING QARORI

20 21 yil « 19 » fevral

№ 85

Toshkent sh.

Дипломатик корпус, халқаро ва маҳаллий нодавлат нотижорат ташкилотлар ҳамда оммавий ахборот воситалари вакилларининг жазони ижро этиш муассасаларига ташрифни ташкил этиш тартиби тўғрисидаги низомни тасдиқлаш ҳақида

Ўзбекистон Республикасининг Жиноят-ижроия кодекси ва Ўзбекистон Республикаси Президентининг “Давлат ҳуқуқий сиёсатини амалга оширишда адлия органлари ва муассасалари фаолиятини янада такомиллаштириш чора-тадбирлари тўғрисида” 2020 йил 19 майдаги ПФ–5997-сон Фармониға мувофиқ дипломатик корпус, халқаро ва маҳаллий нодавлат нотижорат ташкилотлар ҳамда оммавий ахборот воситалари вакилларининг жазони ижро этиш муассасаларига ташрифни ташкил этиш мақсадида Вазирлар Маҳкамаси қарор қилади:

1. Дипломатик корпус, халқаро, республика ва маҳаллий нодавлат нотижорат ташкилотлар, хорижий ва маҳаллий оммавий ахборот воситалари вакилларининг жазони ижро этиш муассасаларига ташрифни ташкил этиш тартибини, шу жумладан, ташрифни ташкил этишга рухсат бериш тартиб-таомиллари ҳамда рад этиш асосларини назарда тутувчи **Дипломатик корпус, халқаро ва маҳаллий нодавлат нотижорат ташкилотлар ҳамда оммавий ахборот воситалари вакилларининг жазони ижро этиш муассасаларига ташрифни ташкил этиш тартиби тўғрисидаги низом** иловаға мувофиқ тасдиқлансин.

2. Ўзбекистон Республикаси Ички ишлар вазирлиги манфаатдор вазирликлар ва идоралар билан биргаликда ўзлари қабул қилган норматив-ҳуқуқий ҳужжатларни икки ой муддатда ушбу қарорға мувофиқлаштирсин.

3. Мазкур қарорнинг бажарилишини назорат қилиш Ўзбекистон Республикаси ички ишлар вазири П.Р. Бобожонов зиммасига юклансин.

Ўзбекистон Республикасининг
Бош вазири



А. Арипов

Вазирлар Маҳкамасининг
2021 йил 19 февралдаги 85-сон қарорига
илова

**Дипломатик корпус, халқаро ва маҳаллий нодавлат
нотижорат ташкилотлар ҳамда оммавий ахборот воситалари
вакилларининг жазони ижро этиш муассасаларига
ташрифини ташкил этиш тартиби тўғрисида
НИЗОМ**

1-боб. Умумий қоидалар

1. Ушбу Низом дипломатик корпус, халқаро ва маҳаллий нодавлат нотижорат ташкилотлар ҳамда оммавий ахборот воситалари вакилларининг жазони ижро этиш муассасаларига (кейинги ўринларда – ЖИЭМ) ташрифини ташкил этиш тартибини белгилайди.

2. Ўзбекистон Республикаси томонидан имзоланган халқаро шартномалар, Консуллик муносабатлари тўғрисидаги Вена Конвенцияси (1963 йил 24 апрель, Вена), Ўзбекистон Республикасининг Жиноят-процессуал кодекси, Жиноят-ижроия кодекси, ушбу Низом, шунингдек, жазони ижро этиш тизими фаолиятини ташкил этиш тартибини белгиловчи бошқа норматив-ҳуқуқий ҳужжатлар ЖИЭМга дипломатик корпус, халқаро ҳамда маҳаллий нодавлат нотижорат ташкилотлар, хорижий, республика ва маҳаллий оммавий ахборот воситалари вакилларини ташрифи учун асос бўлади.

3. ЖИЭМга ташрифни ташкил этиш дипломатик корпус, халқаро ҳамда маҳаллий нодавлат нотижорат ташкилотлар, хорижий, республика ва маҳаллий оммавий ахборот воситалари вакилларининг ушбу Низом билан белгиланган инстанцияларга юборилган мурожаати асосида амалга оширилади.

**2-боб. Республика ва маҳаллий нодавлат нотижорат ташкилотлари
ҳамда оммавий ахборот воситалари вакилларининг
ЖИЭМга ташрифини ташкил этиш тартиби**

4. Республика ва маҳаллий нодавлат нотижорат ташкилотлар ҳамда оммавий ахборот воситалари вакиллари ЖИЭМга ташрифга рухсат олиш учун Ички ишлар вазирлиги Жазони ижро этиш бош бошқармасига (кейинги ўринларда – ЖИЭББ) ёзма ёки электрон шаклда мурожаат қиладилар.

5. Республика ва маҳаллий нодавлат нотижорат ташкилотлар ҳамда оммавий ахборот воситалари вакиллари ЖИЭМга ташриф учун ЖИЭББга юбориладиган мурожаат хатида ЖИЭМга кириш вақти ва мақсади, учрашувда қатнашувчи шахс (шахслар) ҳамда учрашиладиган маҳкум (маҳкумлар)нинг

(маҳкумлар)нинг фамилияси, исми ва отасининг исмини кўрсатган ҳолда қуйидагиларни илова қиладилар:

ЖИЭМга кирувчи шахс (шахслар)нинг шахсини тасдиқловчи ҳужжатлар (паспорт, ID-картаси ёки бошқа ҳужжатлар) нусхаси;

Ўзбекистон Республикаси адлия органларида давлат рўйхатидан ёки қайта рўйхатдан ўтганлиги ҳақидаги гувоҳнома нусхаси (нодавлат нотижорат ташкилотлар учун);

оммавий ахборот воситалари вакилларининг Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида рўйхатдан ўтганлиги ҳақидаги гувоҳнома нусхаси;

ЖИЭМда ўтказиладиган тадбир (дастур)нинг лойиҳаси.

6. Республика ва маҳаллий нодавлат нотижорат ташкилотлар ҳамда оммавий ахборот воситалари вакилларининг ЖИЭМга ташрифини ташкил этиш ушбу Низомга 1-иловага мувофиқ схема асосида амалга оширилади.

7. ЖИЭМга киришга рухсат олиш тўғрисидаги мурожаат у тушган кундан бошлаб ўн беш кун ичида ЖИЭББ томонидан кўриб чиқилади ҳамда натижаси бўйича мурожаат қилувчига ёзма (электрон) хабар юборилади.

8. Мурожаат ижобий ҳал этилган тақдирда, ЖИЭМга кириш вақти ва соати мурожаат қилувчи билан олдиндан келишилади.

9. ЖИЭМга кириш учун рухсат олиш ҳақидаги мурожаат қуйидаги асосларга кўра ЖИЭББ томонидан рад этилиши мумкин:

қонунийлик ва ҳуқуқ-тартиботни, шунингдек, тезкор вазият кескинлашганда (маҳкумлар ва бошқа шахсларнинг ҳаётига жиддий хавф пайдо бўлганда) маҳкумлар, ходимлар, ҳарбий хизматчилар ва муассаса ҳудудидаги бошқа шахсларнинг хавфсизлигини таъминлаш мақсадида;

олдинги ташрифлар мобайнида тартиббузарлик ҳолатлари содир этилганлиги аниқланганда;

ташриф буюрувчилар томонидан ёлғон маълумот тақдим қилинганда;

фавқулодда вазиятлар (табiiй офатлар ва техноген тусдаги вазиятлар) ҳамда карантинли ва инсон учун хавfli бўлган бошқа юқумли касалликлар пайдо бўлиши ҳамда тарқалиши даврида.

Мурожаат қилувчи ЖИЭББнинг ЖИЭМга кириш учун рухсатни рад этиш тўғрисидаги жавобидан норози бўлган тақдирда, юқори турувчи органга ёки суд тартибида шикоят қилишга ҳақли.

10. Республика ва маҳаллий нодавлат нотижорат ташкилотлар ҳамда оммавий ахборот воситалари вакилларининг ЖИЭМга киришини ташкил этиш ЖИЭББ ва ЖИЭМ масъул ходимлари билан ҳамкорликда амалга оширилади.

11. ЖИЭМ маъмурияти режалаштирилган ташриф ҳақида тегишли кўрсатма олганидан сўнг унинг белгиланган муддатда ўтказилишини ташкил этади.

Республика ва маҳаллий нодавлат нотижорат ташкилотлар ҳамда оммавий ахборот воситалари вакилларининг ЖИЭМга режалаштирилган ташрифида (учрашувида) ЖИЭББ масъул ходимлари ҳам иштирок этиши мумкин.

12. Республика ва маҳаллий нодавлат нотижорат ташкилотлар ҳамда оммавий ахборот воситалари вакилларининг ЖИЭМга ташрифи белгиланган ички тартиб-қоидаларга риоя қилган ҳолда ҳафтанинг иш кунларида (душанба кунидан жума кунига қадар соат 09:00 дан соат 19:00 гача амалга оширилади.

Истисно тариқасида ташриф (учрашув)лар диний расм-русумларни амалга ошириш зарурати туғилганда дам олиш кунлари (соат 09:00 дан соат 15:00 гача) ҳам ташкил этилиши мумкин.

13. Республика ва маҳаллий нодавлат нотижорат ташкилотлар ҳамда оммавий ахборот воситалари вакиллари билан маҳкумлар ўртасида бўлиб ўтадиган учрашув (ташриф)лар ЖИЭМнинг масъул ходимлари назорати остида ўтказилади.

Ташриф буюрувчилар ЖИЭМнинг ички тартиб-қоидаларини бузган ҳолларда учрашув муддатидан олдин тўхтатилади ва ташриф буюрувчилар муассаса ҳудудидан чиқариб юборилади. Бундай ҳолларда ЖИЭМ маъмурияти ЖИЭББни, ЖИЭББ эса, ўз навбатида Ўзбекистон Республикаси Адлия вазирлигини расмий равишда хабардор қилади.

14. Маҳкумларни кино-, фото-, видеотасвирга тушириш, улардан интервью олиш уларнинг ёзма розилиги, маҳкумлар хавфсизлиги ва қўриқланишини таъминловчи объектларни тасвирга олиш эса – ЖИЭМ руҳсати асосида амалга оширилади.

15. Қамоққа олинган ва озодликдан маҳрум этилган шахсларнинг республика ва маҳаллий нодавлат нотижорат ташкилотлар ҳамда оммавий ахборот воситалари вакиллари билан учрашуви Ўзбекистон Республикаси Жиноят-процессуал кодекси ва Жиноят-ижроия кодексига асосан бериладиган учрашувлар ҳисобига киритилмайди.

16. Жазони ўтаётган маҳкумлар томонидан республика ва маҳаллий нодавлат нотижорат ташкилотлар ҳамда оммавий ахборот воситалари вакиллари билан учрашув ёзма равишда рад қилинган ҳолларда ЖИЭМ маъмурияти бу ҳақида ЖИЭББга хабар беради.

3-боб. Дипломатик корпус, халқаро нодавлат нотижорат ташкилотлар ва хорижий оммавий ахборот воситалари вакилларининг ЖИЭМга ташрифини ташкил этиш тартиби

17. ЖИЭМга ташриф буюриш учун дипломатик корпус, халқаро нодавлат нотижорат ташкилотлар ва хорижий оммавий ахборот воситалари вакиллари Ўзбекистон Республикаси Ташқи ишлар вазирлигига, Адлия вазирлигида рўйхатдан ўтган ташкилотлар эса – Адлия вазирлигига тегишли муурожаатномани юборишлари лозим.

Муурожаатда ЖИЭМга кириш вақти ва мақсади, учрашувда қатнашувчи шахс (шахслар) ва учрашадиган маҳкум (маҳкумлар)нинг фамилияси, исми, отасининг исми кўрсатилиши лозим.

18. Дипломатик корпус, халқаро нодавлат нотижорат ташкилотлар ва хорижий оммавий ахборот воситалари вакилларининг жазони ижро этиш муассасаларига ташрифини ташкил этиш ушбу Низомга 2-иловага мувофиқ схема асосида амалга оширилади.

19. Ўзбекистон Республикаси Ташқи ишлар вазирлиги ёки Адлия вазирлиги ЖИЭМга ташриф ҳақидаги муурожаатни олгач, уни беш иш кунида кўриб чиқади ҳамда белгиланган тартибда кўриб чиқиш учун ЖИЭББга юборади ва унда тегишли аккредитация борлигини, зарур ҳолларда эса – ташриф ўтказилишининг мақсадга мувофиқлигини кўрсатади.

20. Хорижий давлатларнинг консуллик муассасалари мансабдор шахсларининг ўз давлатларининг фуқаролари бўлган маҳкумлар билан учрашув ўтказиш тўғрисидаги муурожаатномаси сўзсиз ижобий ҳал этилади.

21. Қамоққа олинган шахс тергов, прокуратура ёки суд идоралари ихтиёрида бўлган ҳолларда ЖИЭББ томонидан муурожаат қилувчининг сўров хати тегишлича тергов, прокуратура ёхуд суд идораларига уч кун муддат ичида юборилади ҳамда бу ҳақида Ўзбекистон Республикаси Ташқи ишлар вазирлиги ва Адлия вазирлигига маълум қилинади.

22. ЖИЭББ муурожаат ҳақидаги сўров хатини олган кундан эътиборан беш кун мобайнида муурожаатни кўриб чиқади. Зарур ҳолларда текширув тадбирлари амалга оширилади ва ташрифнинг мақсадга мувофиқлиги ўрганилади.

Муурожаатлар ЖИЭББ томонидан тегишлиги бўйича бошқа манфаатдор ташкилотларга ҳам юборилади ҳамда уларнинг фикр ва мулоҳазалари муурожаатни кўриб чиқиш яқунлари бўйича қарор қабул қилишда инобатга олинади.

23. Муурожаатни кўриб чиқиш натижалари ҳақида ЖИЭББ ташриф буюрувчини хабардор қилиш учун Ўзбекистон Республикаси Ташқи ишлар вазирлигига ёки Адлия вазирлигига тегишли маълумотни юборади.

ЖИЭББ ушбу Низомнинг 9-бандида назарда тутилган асослар мавжуд бўлган тақдирда, ташриф ҳақидаги муурожаатни рад этиб, бу ҳақида Ўзбекистон Республикаси Ташқи ишлар вазирлиги ёки Адлия вазирлигига ёзма (электрон) хабарнома жўнатади.

24. Ўзбекистон Республикаси Ташқи ишлар вазирлиги ёки Адлия вазирлиги ЖИЭББнинг тегишли жавобини олганидан сўнг беш кун муддатда муурожаат муаллифига бу ҳақида маълум қилади.

25. Муурожаат қилувчи Ташқи ишлар вазирлиги ёки Адлия вазирлигидан жавоб хатини олганидан сўнг масала ижобий ҳал этилган тақдирда, муассасага ташриф санаси ва вақтини ЖИЭББ билан келишади.

26. ЖИЭМ маъмурияти режалаштирилаётган ташриф тўғрисида тегишли хабар олганидан сўнг унинг белгиланган муддатларда ўтказилишини ташкил этади.

Дипломатик корпус, халқаро нодавлат нотижорат ташкилотлар ва хорижий оммавий ахборот воситалари вакилларининг ЖИЭМга режалаштирилган ташрифида (учрашувида) ЖИЭББ масъул ходимлари ҳам иштирок этиши мумкин.

27. Дипломатик корпус, халқаро нодавлат нотижорат ташкилотлар ва оммавий ахборот воситалари вакилларининг ЖИЭМга ташрифи белгиланган ички тартиб-қоидаларга риоя қилган ҳолда ҳафтанинг иш кунларида (душанба кунидан жума кунига қадар соат 09:00 дан соат 19:00 гача) амалга оширилади.

28. Дипломатик корпус, халқаро нодавлат нотижорат ташкилотлари ва оммавий ахборот воситалари вакиллари билан маҳкумлар ўртасида бўлиб ўтадиган учрашув (ташриф)лар ЖИЭМнинг масъул ходимлари назорати остида ўтказилади.

Ташриф буюрувчилар ЖИЭМга кириш қоидаларини, шу жумладан, ички тартиб-қоидаларни бузган тақдирда, ЖИЭМ маъмурияти томонидан учрашув муддатидан олдин тўхтатилади ва ташриф буюрувчилар муассаса худудидан чиқариб юборилади ва бу ҳақида ЖИЭББга зудлик билан ахборот берилади. ЖИЭББ томонидан Ўзбекистон Республикаси Ташқи ишлар вазирлиги ёки Адлия вазирлиги бундан хабардор қилинади.

29. Ташриф мобайнида дипломатик корпус, халқаро нодавлат нотижорат ташкилотлар ва хорижий оммавий ахборот воситалар вакилларининг жазони ўтаётган маҳкумлар билан учрашуви ЖИЭМнинг ички тартиб-қоидалари талабларига биноан амалга оширилади.

Сухбат чоғида қамоқ ва ЖИЭМда қонунчиликка риоя қилиш устидан назоратни амалга оширувчи прокурор, шунингдек, маҳкум ва қамоққа олинганларга нисбатан суд-тергов жараёнини олиб бораётган идораларнинг вакиллари қатнашиши мумкин, Консуллик муносабатлари тўғрисидаги Вена Конвенциясида (1963 йил 24 апрель, Вена) белгиланган ҳолатлар бундан мустасно.

Маҳкумларни кино-, фото-, видеотасвирга тушириш, улардан интервью олиш уларнинг ёзма розилиги асосида амалга оширилади.

Маҳкумларнинг хавфсизлиги ва қўриқланишини таъминловчи объектларни тасвирга тушириш ЖИЭББ ёки ЖИЭМнинг олдиндан (ташрифдан олдин) олинган рухсати асосида амалга оширилиши мумкин.

30. Қамоққа олинган ва озодликдан маҳрум қилинган шахсларнинг дипломатик корпус, халқаро нодавлат нотижорат ташкилотлар ва хорижий оммавий ахборот воситалари вакиллари билан учрашуви Ўзбекистон Республикаси Жиноят-процессуал кодекси ва Жиноят-ижроия кодекси талабларига асосан бериладиган учрашувлар ҳисобига киритилмайди.

31. Жазони ўтаётган маҳкумлар томонидан дипломатик корпус, халқаро нодавлат нотижорат ташкилотлар ва хорижий оммавий ахборот воситалари вакиллари билан учрашув ёзма равишда рад қилинган ҳолларда ЖИЭМ маъмурияти бу ҳақида ЖИЭББга хабар беради.

4-боб. Яқунловчи қоидалар

32. ЖИЭМга ташриф натижалари бўйича томонларнинг ўзаро келишувига биноан ҳамкорликда матбуот конференциялари, брифинглар ва бошқа ахборот-маърифий тадбирларни ўтказиш мумкин.

ЖИЭМга ташриф натижалари бўйича материалларни матбуотда чоп этиш Ўзбекистон Республикасининг 2007 йил 15 январдаги “Оммавий ахборот воситалари тўғрисида”ги ва 2002 йил 12 декабрдаги “Ахборот эркинлиги принциплари ва кафолатлари тўғрисида”ги қонунлари талабларига мувофиқ амалга оширилади.

33. Дипломатик корпус, халқаро ташкилотлар ва хорижий оммавий ахборот воситалари вакилларининг ушбу Низомда назарда тутилган масалалар бўйича мурожаатлари тушган ҳолларда ЖИЭББ томонидан ёзма (электрон) мурожаатларни (мурожаат қилувчининг аккредитацияси ёки рўйхатга олинганлигига қараб) бир иш кунида Ўзбекистон Республикаси Ташқи ишлар вазирлиги ёки Адлия вазирлигига юборилади.

34. Ушбу Низом талабларининг бузилишида айбдор бўлган шахслар қонун ҳужжатларида белгиланган тартибда жавоб берадилар.

Дипломатик корпус, халқаро ва маҳаллий нодавлат
нотижорат ташкилотлар ҳамда оммавий ахборот воситалари
вакилларининг жазони ижро этиш муассасаларига ташрифини
ташкил этиш тартиби тўғрисидаги низомга
1-илова

**Нодавлат ва нотижорат ташкилотлар, республика ва маҳаллий оммавий ахборот воситалари
вакиллари вакилларининг жазони ижро этиш муассасаларига ташрифини ташкил этиш
СХЕМАСИ**

Босқичлар	Субъектлар	Тадбирлар	Муддатлар
1-босқич	Ташриф буюрувчи	<p>1. Республика ва маҳаллий нодавлат нотижорат ташкилотлар ҳамда оммавий ахборот воситалари вакиллари ЖИЭМга ташрифта рухсат олиш учун Ички ишлар вазирлиги Жазони ижро этиш бош бошқармасига (кейинги ўринларда – ЖИЭББ) ёзма ёки электрон шаклда мурожаат юборади.</p> <p>2. Республика ва маҳаллий нодавлат нотижорат ташкилотлар ҳамда оммавий ахборот воситалари вакиллари ЖИЭМга ташриф учун ЖИЭББга юборадиган мурожаат хатида ЖИЭМга кириш вақти ва мақсади, учрашувда қатнашувчи шахс (шахслар) ҳамда учрашадиган маҳкум (маҳкумлар)нинг фамилияси, исми ва отасининг исмини кўрсатган ҳолда, қуйидагиларни илова қилади:</p> <p>ЖИЭМга кирувчи шахс (шахслар)нинг шахсини тасдиқловчи ҳужжатлар (паспорт, ID-қартаси ёки бошқа ҳужжатлар) нусхаси;</p> <p>Ўзбекистон Республикаси адлия органларида давлат рўйхатидан ёки қайта рўйхатдан ўтганлиги ҳақидаги гувоҳнома нусхаси (нодавлат нотижорат ташкилотлар учун);</p> <p>Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида рўйхатдан ўтганлиги ҳақидаги гувоҳнома нусхаси (оммавий ахборот воситалари вакиллари учун);</p> <p>ЖИЭМда ўтказиладиган тадбир (дастур)нинг лойиҳаси.</p>	Зарурат туғилганда
2-босқич	ИИВ ЖИЭББ	ЖИЭМга киришга рухсат олиш тўғрисида мурожаат тушган кундан бошлаб у ЖИЭББ томонидан ўн беш кун ичида кўриб чиқилади ҳамда натижаси бўйича мурожаат қилувчига ёзма (электрон) хабар юборилади.	15 кун мобайнида
3-босқич	ИИВ ЖИЭББ	Мурожаат ижобий ҳал этилган тақдирда, ЖИЭМга кириш вақти ва соати мурожаат қилувчи билан олдиндан келишилади.	Белгиланган муддатда

Босқичлар	Субъектлар	Тадбирлар	Муддатлар
4-босқич	ИИБ ЖИЭББ	<p>ЖИЭМга кириш учун рухсат олиш ҳақидаги мурожаат куйидаги асосларга кўра ЖИЭББ томонидан рад этилиши мумкин:</p> <ul style="list-style-type: none"> – қонунийлик ва ҳуқуқ-тартиботни, шунингдек, тезкор вазият кескинлашганда (махкумлар ва бошқа шахсларнинг ҳаётига жиддий хавф пайдо бўлганда) махкумлар, ходимлар, ҳарбий хизматчилар ва муассаса ҳудудидаги бошқа шахсларнинг хавфсизлигини таъминлаш мақсадида; – олдинги ташрифлар мобайнида тартиббузарлик ҳолатлари содир этилганлиги аниқланганда; – ташриф буюрувчилар томонидан ёлғон маълумот тақдим қилинганда; – фавқулодда вазиятлар (табiiй офатлар ва техноген тусдаги вазиятлар) ҳамда карантинли ва инсон учун хавфли бўлган бошқа юқумли касалликлар пайдо бўлиши ҳамда тарқалиши даврида. 	Ташриф давомида
5-босқич	Ташриф буюрувчи	Мурожаат қилувчи ЖИЭББнинг ЖИЭМга кириш учун рухсатни рад этиш тўғрисидаги жавобидан норози бўлган тақдирда, юқори турувчи органга ёки суд тартибида шикоят қилишга ҳақли.	Норози бўлган вақтда
6-босқич	ИИБ ЖИЭББ	Республика ва маҳаллий нодавлат нотижорат ташкилотлар ҳамда оммавий ахборот воситалари вакилларининг ЖИЭМга киришини ташкил этиш ЖИЭББ ва ЖИЭМ масъул ходимлари билан ҳамкорликда амалга оширилади.	Ташриф давомида
7-босқич	ИИБ ЖИЭББ	<p>ЖИЭМ маъмурияти режалаштирилган ташриф ҳақида тегишли кўрсатма олганидан сўнг унинг белгиланган муддатда ўтказилишини ташкил этади.</p> <p>Республика ва маҳаллий нодавлат нотижорат ташкилотлар ҳамда оммавий ахборот воситалари вакилларининг ЖИЭМга режалаштирилган ташрифида (учрашувида) ЖИЭББ масъул ходимлари ҳам иштирок этиши мумкин.</p>	Ташриф давомида

Босқичлар	Субъектлар	Тадбирлар	Муддатлар
8-босқич	ИИВ ЖИЭББ	<p>Республика ва маҳаллий нодавлат нотижорат ташкилотлар ҳамда оммавий ахборот воситалари вакилларининг ЖИЭМга ташрифи белгиланган ички тартиб-қоидаларга риоя қилган ҳолда ҳафтанинг иш кунларида (душанба кунидан жума кунига қадар соат 09:00 дан соат 19:00 гача амалга оширилади.</p>	Ташриф давомида
9-босқич	ИИВ ЖИЭББ	<p>1. Республика ва маҳаллий нодавлат нотижорат ташкилотлари ҳамда оммавий ахборот воситалари вакиллари билан маҳкумлар ўртасида бўлиб ўтадиган учрашув (ташриф)лар ЖИЭМнинг масъул ходимлари назорати остида ўтказилади.</p> <p>2. Ташриф буюрувчилар ЖИЭМнинг ички тартиб-қоидаларини бузган ҳолларда учрашув муддатидан олдин тўхтатилади ва ташриф буюрувчилар муассаса ҳудудидан чиқариб юборилади. Бундай ҳолларда ЖИЭМ маъмурияти ЖИЭББни, ЖИЭББ эса ўз навбатида Ўзбекистон Республикаси Адлия вазирлигини расмий равишда хабардор қилади.</p>	Ташриф давомида
10-босқич	ИИВ ЖИЭББ	<p>Жазони ўтаётган маҳкумлар томонидан республика ва маҳаллий нодавлат нотижорат ташкилотлар ҳамда оммавий ахборот воситалари вакиллари билан учрашув ёзма равишда рад қилинган ҳолларда ЖИЭМ маъмурияти бу ҳақида ЖИЭББга хабар беради.</p>	Зудлик билан

Дипломатик корпус, халқаро ҳамда маҳаллий нодавлат
ва нотижорат ташкилотлар ва оммавий ахборот воситалари
вакилларининг жазони ижро этиш муассасаларига ташрифини
ташкил этиш тартиби тўғрисидаги низомга
2-илова

**Дипломатик корпус, халқаро нодавлат ва нотижорат ташкилотлар ва хорижий оммавий ахборот воситалари
вакилларининг жазони ижро этиш муассасаларига ташрифини ташкил этиш
СХЕМАСИ**

Босқичлар	Субъектлар	Тадбирлар	Муддатлар
1-босқич	Ташриф буюрувчи	<p>1. ЖИЭМга ташриф буюриш учун дипломатик корпус, халқаро нодавлат нотижорат ташкилотлар ва хорижий оммавий ахборот воситалар вакиллари Ўзбекистон Республикаси Ташқи ишлар вазирлигига, Ўзбекистон Республикаси Адлия вазирлигида рўйхатдан ўтган ташкилотлар эса тегишлигича Адлия вазирлигига тегишли мурожаатномани юборишлари лозим.</p> <p>2. Мурожаатда ЖИЭМга кириш вақти ва мақсади, учрашувда қатнашувчи шахс (шахслар) ва учрашадиган маҳкум (маҳкумлар)нинг фамилияси, исми ва отасининг исми кўрсатилиши лозим.</p>	Зарурат туғилганда
2-босқич	Ташқи ишлар вазирлиги ва Адлия вазирлиги	Ўзбекистон Республикаси Ташқи ишлар вазирлиги ёки Адлия вазирлиги ЖИЭМга ташриф ҳақидаги мурожаатни олгач, уни беш иш кунда кўриб чиқади ҳамда белгиланган тартибда кўриб чиқиш учун ЖИЭББга юборади ва унда тегишли аккредитация борлигини, зарур ҳолларда эса – ташриф амалга оширилишининг мақсадга мувофиқлигини кўрсатади.	5 кун муддатда
3-босқич	ИИБ ЖИЭББ	<p>1. ЖИЭББ томонидан мурожаат ҳақидаги сўров хати олингандан сўнг беш кун ичида уни кўриб чиқади, зарур ҳолларда текширув тадбирларини амалга оширади ва ташрифнинг мақсадга мувофиқлиги белгиланади.</p> <p>2. Қамокқа олинган шахс тергов, прокуратура ёки суд органлари ихтиёрида бўлган ҳолларда ЖИЭББ томонидан мурожаат муаллифининг сўров хати тегишлигича тергов, прокуратура ёхуд суд идораларига уч кун муддат ичида юборилади ҳамда бу ҳақида Ўзбекистон Республикаси Ташқи ишлар вазирлиги ва Адлия вазирлигига маълум қилинади.</p>	5 кун муддатда 3 кун муддатда

Босқичлар	Субъектлар	Тадбирлар	Муддатлар
4-босқич	ИИБ ЖИЭББ	Мурожаатни кўриб чиқиш натижалари ҳақида ЖИЭББ ташриф буюрувчини хабардор қилиш учун Ўзбекистон Республикаси Ташқи ишлар вазирлигига ёки Ўзбекистон Республикаси Адлия вазирлигига тегишли маълумот юборади.	5 кун муддатда
5-босқич	Ташқи ишлар вазирлиги ва Адлия вазирлиги	Ўзбекистон Республикаси Ташқи ишлар вазирлиги ёки Адлия вазирлиги ЖИЭББнинг тегишли жавобини олганидан сўнг мурожаат муаллифига натижа ҳақида маълум қилади.	5 кун муддатда
6-босқич	Ташриф буюрувчи	<p>1. Мурожаат қилувчи Ташқи ишлар вазирлиги ёки Адлия вазирлигидан жавоб хатини олганидан сўнг масала ижобий ҳал этилган тақдирда, муассасага ташриф санаси ва вақтини ЖИЭББ билан келишади.</p> <p>2. Дипломатик корпус, халқаро нодавлат нотижорат ташкилотлар ва оммавий ахборот воситалари вакилларининг ЖИЭМга ташрифи белгиланган ички тартиб-қоидаларга риоя қилган ҳолда ҳафтанинг иш кунларида (душанба кунидан жума кунига қадар соат 09:00 дан соат 19:00 гача) амалга оширилади.</p>	Белгиланган муддатда
7-босқич	ИИБ ЖИЭББ	<p>1. Дипломатик корпус, халқаро нодавлат нотижорат ташкилотлар ва оммавий ахборот воситалари вакиллари билан маҳкумлар ўртасида бўлиб ўтадиган учрашув (ташриф)лар ЖИЭМнинг масъул ходимлари назорати остида ўтказилади.</p> <p>2. Ташриф буюрувчилар ЖИЭМга кириш қоидаларини, шу жумладан, ички тартиб-қоидаларни бузган тақдирда, ЖИЭМ маъмурияти томонидан учрашув муддатидан олдин тўхтатилади ва ташриф буюрувчилар муассаса ҳудудидан чиқариб юборилади ва бу ҳақида ЖИЭББга, зудлик билан ахборот берилади. ЖИЭББ Ўзбекистон Республикаси Ташқи ишлар вазирлиги ёки Адлия вазирлигини бундан хабардор қилинади.</p>	Белгиланган соатда

